

STYREMØTE 2010/09

REFERAT

Til stades: Maria Høgetveit Berg, Åshild Vetrhus, Nils Øyvind Bergset, Solbjørg Tveiten, Sigurd Johan Heide, Aslak O Brimi, Torunn Raftevold Rue, Helene Bolstad, Dag Hovda Sture.

Forfall: Tor Stallvik

Frå administrasjonen: Dagleg leiar Linda Dyrnes og informasjonsrådgjevar Eivind Kaasin.

Tid: 14.desember kl.10.00-17.00.

Stad: Kontoret på Schous

SAKLISTE

S-Sak 2010/61 INNKALLING OG SAKLISTE

Vedtak: Innkalling og sakliste vart godkjend, med tillegg om billettprisar på Seljord i sak 2010/69.

S-Sak 2010/62 ORIENTERINGS- OG REFERATSAKER

-diverse orienteringar frå styreleiar og dagleg leiar:

- a) Dansens dag, 29.april-1.mai.
- b) Tilskot frå Kulturrådet; kr.80.000 til Folkemusikkscena, kr.100.000,- til bladet Folkemusikk (under føresetnad av Stortingets budsjettvedtak), kr. 60.000 til Norwegian Tapas i Belgia (under føresetnad av Stortingets budsjettvedtak), dei fekk og stønad på kr. 25.000 frå ffuk.
- c) Administrasjonen har hatt møte med NU og har blitt samde om halvårige møte.
- d) Årsmøte i Trøndelag folkemusikklag,
- e) Status i arbeidet med eit områdelag i Oslofjordregionen
- f) Økonomisk resultat frå Landsfestivalen 2010,
- g) e-post frå Randi Skeie om Øyvind Bergs minnepris
- h) momskompensasjon

- referat frå AU-møte 2010/13 25.11.2010

Vedtak: Orienterings- og referatsakene vart teke til orientering med følgjande merknader:

- b) Administrasjonen vurderar om det er grunnlag for å klage på støtta til Folkemusikkscena.
- d) Administrasjonen held oversyn over årsmøte for områdelaga, og gir informasjon til styret om det er slik at dei kan møte. Styret i FolkOrg sender ein representant til årsmøtet i Trøndelag folkemusikklag. Medlemmane i styret undersøker om dei kan delta og gir tilbakemelding til dagleg leiar om det innan 21.desember.
- e) viktig at FolkOrg får klar beskjed frå områdelaget for Oslofjordregionen når det er venta tilbakemelding frå oss.
- g) Øyvind Berg minnepris: AU arbeider vidare med saka, og tek kontakt med Randi Skeie for å høyre om ho ønsker å halde fram som vår representant i juryen.

Informasjon frå styret:

- Uvisse kring Arne Bjørndals samling; Rådet og arkivnettverket arbeider med den saka og skal ha møte med Universitetet i Bergen. Styret i FolkOrg støttar det fullt ut.
- Torunn refererte til 50-årsjubileum for Hornindal spelemannslag, kor ho kom med ei helsing frå FolkOrg.
- Maria refererte til at Knut Steinsrud har gått bort, Bjørn Lien kom med helsing frå FolkOrg.

- Maria har fått telefon frå Egil Bakka som er uroa for folkemusikken og folkedansen si rolle i den immatrielle kulturarven og løvyingane. Sigurd informerte vidare om at Egil Bakka er den einaste i dette arbeidet frå folkemusikken og folkedansen. Det kjem ein rapport frå ABM utvikling til høyring denne veka, viktig å kome med svar på den.
- Grafisk profil; informasjon. Administrasjonen får fullmakt til å arbeide vidare. Går for ein modell der vi ber om ei skisse til idé frå 2-3 firma.

S-Sak 2010/63 PRINSIPPIELLE ENDRINGAR I TEVLINGSREGLEMENT FOR LANDSKAPPEIK OG LANDSFESTIVAL

Signal som administrasjonen tek med seg i det vidare arbeid med tevlingsreglementet:
Vedtekter som gjeld for Landsfestivalen:

- Frå 2011 har ei eiga klasse for durspel både junior og senior.
- Det skal vere ei eiga klasse i "solo fele/hardingfele", både junior og senior, på Landsfestivalen. Trekkspel og andre i instrument er i klassa "Solo andre instrument", både junior og senior.
- Det skal vere ei klasse i runddans, både senior og junior, under Landsfestivalen.
- Ein kan stille med same instrument maks to gongar i klassa gruppespel under Landsfestivalen, som ei prøveordning i 2011.
- Det gjerast ingen endringar i vedtektena kring dommarar i finalane i spel .

Merknader og vedtak knytt særskilt til Landsfestivalen 2011:

- Oppdal Spell- og dansarlag kan ha open klasse under Landsfestivalen 2011. Diskusjonen om Open klasse bør takast opp på nytt etter evaluering av Landsfestivalen 2011. Det er viktig at Oppdal i samarbeid med FolkOrg er tydelege på kva som er skilnaden på Open klasse og gruppespel.
- Oppdal Spell- og dansarlag skal i samarbeid med styret i FolkOrg utforme ei prøveordning for dansetevlinga som må evaluerast etter Landsfestivalen i 2011.

Landskappleiken:

- Under punkt 5 om tevling: Det kan framførast fleire slåttar i kuler, maksimum 5 minutt speletid.
- Fele og hardingfele deltek i same lagspelklasse under Landskappleiken.
- Det vert ingen endringar i reglementet kring finalar.
- Administrasjonen jobbar vidare med å endre regelverket slik at C-klassingar og juniorar skal få både poeng og plasseringar.

Tevlingssreglement for instrumentmaking blir tatt inn i det generelle tevlingsreglementet.

S-Sak 2010/64 ÅRSMØTET 2011

Røros ønsker å vere vertskap for Årsmøtet i FolkOrg 2011. Best egna dato er 29.april-1.mai, då påska er veldig sein i 2011. Det skal vere kapasitet nok på hotellet (minimum 68 rom + eit vertshus rett i nærleiken). Dei har ønske om å ha dansen laurdags kveld i eit godt egna lokale i gangavstand frå hotellet.

Om ein ønsker å ha årsmøtet på Riksscenen i 2012, kan det vere lurt å tinga det allereie no.

Vedtak: Årsmøtet 2011 vert halden på Røros 29.april-1.mai.

S-Sak 2010/65 PRINSIPPROGRAM

Styremedlemene kom med innspel til prinsipprogrammet som styret og administrasjonen tek med seg vidare i arbeidet med prinsipprogrammet.

S-Sak 2010/66 VEDTEKTER

Styremedlemene kom med innspel til vedtekten på bakgrunn av signal frå årsmøte og notat frå Nils Øyvind Bergset. Styret og administrasjonen tek det med seg i det vidare arbeidet med vedtekten .

S-sak 2010/67 FOLKEMUSIKKSCENENE – PÅ KVA MÅTE SKAL VI ARBEIDE FOR DEI

Vedtak: *Med føresetnad av at vi får stønad frå Kulturrådet, følgjer vi planen i søknaden for arbeidet med folkemusikkscenene. Vi ser om det er mogleg å söke støtta andre stader.*

S-sak 2010/68 MØTEHONORAR OG GODTGJERSLE FOR TAPT ARBEIDSFORTENESTE

Vedtak: *AU kjem med framlegg til retningsliner til neste styremøte. Det er viktig at retningslinene er tydelege.*

S-sak 2010/69 FINALAR OG KONGEPOKAL UNDER LANDSKAPPLEIKEN; I SELJORD 2011 OG I FRAMTIDA.

Vedtak: *2011 blir det finalar i 3 klassar; Spel hardingfele, Dans hardingfele og ei til. Finalane i Spel hardingfele og Dans hardingfele er da konsertfinalar. Vi søker om å få Kongepokalen i klassa Spel hardingfele. Seljord kom med framlegg om ei tredje finaleklasse solo fele, det skal AU godkjenne på første møtet på nyåret. Durspel solo må inn i soloklasserekka som rullerer på å få kongepokalen frå landskappleiken 2012.*

Billettprisar: *Då det er svært viktig for publikum å kunne gå mellom dei ulike tevlingane på Landskappleiken, vil styret at det skal vere dagsbillettar på Landskappleiken. Lokal arrangør kjem tilbake med framlegg til pris.*

Tevlingsplan: *Styret ga innspel til Seljord om å gjere laurdagen mindre tettpakka, og ber dei halde dialog med AU om dette.*

S-sak 2010/70 OPPNEMNING AV REPRESENTANTAR TIL RESSURSGRUPPE FOR DANSEUTGREIING

Rff har sett av minimum 50.000,- til utgreiing om dansefeltet og blir med i arbeidet saman med FolkOrg og NU. Det skal settas ned ei ressursgruppe som skal utarbeide mandat og følge arbeidet. Det skal vere to representantar frå kvar organisasjon.

Vedtak: *Styret vel Sigurd Johan Heide og Frode Rolandsgard (Alternativt Marthe Frihetsli eller Oddbjørg Ese) til å vere representantar i ressursgruppa for danseutgreiing.*

S-sak 2010/71 Eventuelt Neste styremøte:16.februar og 30.mars (?)